

- sedato affectuum impetu in numinis essentiam conversum,
 28. innocuum. Sic semper sese ipse devovens devotus, peccatis exsolutus, commode infinita voluptate e numinis contactu
 29. fruitur. Qui spiritum omnibus animantibus immorantem, et omnia animantia in spiritu contuetur, devotioni deditus,
 30. ubique idem conspiciens, qui me cernit ubique, et Universum in me cernit, ex eo ego non evanesco, neque is ex
 31. me evanescit. Omnibus animantibus immorantem qui me colit, unitati intentus, quocunque tandem modo versetur, devotus ille mecum versatur. Qui sui ipsius similitudine ductus ubique idem cernit, o Arjuna, volupe sit illud vel molestum, is devotorum princeps habetur.

ARJUNAS loquitur:

33. Illa ipsa, quae a te declarata est devotio aequabilitate, o Madhuis interfector! huius equidem haud video propter mobilitatem humani ingenii stabilem conditionem. Mobilis sane est animus, o Krishna, turbulentus, vehemens, pertinax: eius ego coërcitionem arbitror, sicuti venti, valde difficilem factu.

ALMUM NUMEN loquitur:

35. Sine dubio, o heros, animus difficilis est ad coërcendum, mobilis; exercitatione tamen, Kuntidis nate, ac temperantia coërcetur. Ei, qui sui haud compos est, devotio difficilis est ad adipiscendum, meo quidem arbitrio; a morigero autem et annitente obtineri potest industria quadam.

ARJUNAS loquitur:

37. Intemperans, sed fide instructus, declinante a devotione animo, haud adeptus devotionis consummationem: quamnam
 38. viam, o Krishna, ingreditur? Nonne utrinque deiectus